

明紅絲
欄鈔本

百

家

詞



稼軒詞序

器大者聲必闕志高者意必遠知夫聲與意之本原則知詞之所自出是蓋不容有意於作為而其發越着見於聲音言意之表者則亦隨其所蓄之淺深有不能不爾者存焉耳世言稼軒居士辛公之詞似東坡非有意於學坡也自其發於所蓄者言之則不能不坡若也坡公嘗自言與其弟子由爲文多而未嘗敢有作文之意且以爲得於談笑之間而非勉強之所爲公之於詞亦然苟不得之於嬉笑則得之於行樂不得之於行樂則得之於醉墨淋漓之際揮毫未竟而客爭藏去或閑中書石興未寫地亦或微吟而不錄漫錄而禁藁以故多散逸是亦未嘗有作

之之意其於坡也是以似之雖然公一世之豪以氣
節自負以功業自許方將歛藏其用以事清曠果何
意於詩詞哉直陶寫之具耳故其詞之為體如張樂
洞庭之野無首無尾不主故常又如春雲浮空卷舒
起滅隨所變態無非可觀無它意不在於作詞而其
氣之所充蓄之所發詞自不能不爾也其間固有清
而麗婉而嫵媚此又坡詞之所無而公詞之所獨也
昔宋復古張乖崖方嚴勁正而其詩詞迺復有穠纖
婉麗之語豈鐵石心腸者類皆如是耶開久從公游
其殘膏賸馥得所霑焉為多因暇日裒集冥搜才逾
百首皆親得於公者以近時流布於海內者率多贗
本吾為此懼故不敢獨閱將以祛傳者之惑焉

淳熙戊申正月元日閤人范開序

稼軒詞序畢

稼軒詞甲集目錄

摸魚兒 二

沁園春

水龍吟 三

滿江紅 十

水調歌頭 十

賀新郎

念奴嬌 六

新荷葉 二

最高樓 二

洞仙歌 二

八聲甘州

聲聲慢

江神子 四

六么令 二

滿庭芳 二

鷓鴣天 六

醜奴兒

蝶戀花 四

定風波

臨江仙 三

菩薩蠻

西河

木蘭花慢 二

朝中措 二

祝英臺令

烏夜啼 二

鵲橋仙

太常引

昭君怨

採桑子

杏花天

踏歌

一落索

千秋歲

感皇恩

青玉案

霜天曉角

南鄉子

阮郎歸

南歌子

小重山

二

西江月

減字木蘭花

清平樂

五

生查子

二

山鬼謠

聲聲慢

滿江紅

七

稼軒詞甲集

濟南卒 棄疾 幼安

摸魚兒

更能消幾番風雨。匆匆春又歸去。惜春長恨花開早，
何況落紅無數。春且住。見說道天涯芳草迷歸路。怨
春不語。算只有殷勤，畫簷蛛網，盡日惹飛絮。長門
事。準擬佳期又誤。蛾眉曾有人妬。千金縱買相如賦，
脉脉此情誰訴。君莫舞。君不見玉環飛燕皆塵土。閑
愁最苦。休去倚危樓。斜陽正在烟柳斷腸處。

又

望飛來半空鷗鷺。湏臾動地聲鼓。截江組練驅山去，
鏖戰未收貔虎。朝又暮。諳慣得吳兒不怕蛟龍怒。風

波平步看紅旆，驚飛跳魚直上。蹴踏浪花舞，憑誰
問萬里長鯨，吞吐人間兒戲。千弩滔天力倦，知何事
白馬素車東去。堪恨處，人道是子胥冤憤，終千古功
名自誤。謾教得陶朱五湖西子，一舸弄烟雨。

沁園春

三徑初成，鶴怨猿驚，稼軒未來。甚雲山自許，平生意
氣，衣冠人笑，抵死塵埃。意倦須還，身閑要早，豈為尊
羹鱸膾哉。秋江上看，蘼絃鴈避，駭浪船回。東岡更
葺茆齋。好都把軒窓臨水開。要小舟行釣，先應種柳
疎籬護竹。莫礙梅觀，秋菊堪餐，春蘭可佩。留待先生
手自栽。沉吟久，怕君恩未許，此意徘徊。

又

送趙江陵東
歸再用前韻

佇立瀟湘黃鵠高飛望君不來被東風吹墮西江對
語急呼斗酒旋拂征埃却恠英姿有如君者猶欠封
侯萬里戎空贏得道江南佳句只有方回 錦帆盡
舫行齋悵雪粘天江影開記我行南浦送君折柳逢
驛使為我攀梅落帽山前呼鷹臺下人道花須滿縣
栽都休問看雲霄高處鵬翼徘徊

水龍吟

為韓尚簡尚
書壽甲辰歲

渡江天馬南來幾人真是經綸手長安父老新亭風
景可憐依舊夷甫諸人神州沉陸幾曾回首筭平戎
萬里功名本是真儒事君知否 况有文章山斗對
桐陰滿庭清晝當年墮地而今試看風雲奔走綠野
風烟平泉草木東山歌酒待他年整頓乾坤事了為

先生壽

又

次年南澗用前韻為僕壽僕與公生日相去一日再和以壽南澗

玉皇殿閣微涼看公重試薰風手高門畫戟桐陰間
道青青如舊蘭佩空芳蛾眉誰妬無言搔首甚年年
却有呼韓塞上人爭問公安否金印明年如斗向
中州錦衣行晝依然盛事貂蟬前後鳳麟飛走富貴
浮雲我平軒冕不如杯酒待從公痛飲八千餘歲伴
莊椿壽

又

登建康賞心亭

楚天千里清秋水隨天去秋無際遙岑遠日獻愁供
恨玉簪螺髻落日樓頭斷鴻聲裡江南游子把吳鉤
看了攔杆拍偏無人會登臨意休說鱸魚堪膾儘

西風季鷹歸未求田問舍怕應羞見劉郎才氣可惜
流年憂愁風雨樹猶如此倩何人喚取盈盈翠袖搵
英雄淚

滿江紅

賀王宣子
平湖南寇

笳鼓歸來舉鞭問何如諸葛人道是匆匆五月渡瀘
深入白羽風生貔虎譟青溪路斷猩鼯泣早紅塵一
騎落平崗捷書急三萬卷龍頭客渾未得文章力
把詩書馬上笑驅鋒鏑金印明年如斗大貂蟬却自
兜鍪出待刻公勲業到雲溪石

自

又

送湯朝美
白便歸

嶂雨巒烟十年夢樽前休說春正好故園桃李待君
花發兒女燈前和淚拜雞豚社裡歸時節看依然古

在齒牙牢心如鐵 治國手封侯骨騰汗漫排閭闔
待十分做了待書勲業常日念君歸去好而今却恨
中年別笑江頭明月更多情今宵缺

又 送李正之提刑

蜀道登天一杯送綉衣行客還自嘆中年多病不堪
離別東北看鵲諸葛表西南更草相如檄把功名收
拾付君侯如椽筆 兒女淚君休滴荆楚路吾能說
要 詩準備廬江山色赤壁磯頭千古浪銅鞮陌上
三更月正梅花萬里雪深時須相憶

又

快上西樓怕天放浮雲遮月但 平喚取玉管纖橫管
一聲吹裂誰做冰壺浮世界最憐玉斧修時節問婦

娥孤冷有愁無應華髮 雲液滿瑤林滑長袖起清
歌咽嘆十長八尤欲磨還缺若得長圓如此夜人情
未必看承別記從前離恨捻成歡歸時說

又

建康史致道
留守席上賦

鵬翼垂空笑人世蒼然無物還又向九重深處玉堦
山立袖裡珍奇光王色他年要補天西北且歸來談
笑護長江波澄碧 佳麗地文章伯金縷唱紅牙拍
看尊前飛下日邊消息料想寶香黃閣夢依然盡舫
清溪笛待如今端的約鍾山長相識

又

落日蒼茫風才定片帆無力還記得眉東眼去水光
山色倦客不知身近遠佳人已卜歸消息便歸來只

是賦行雲襄王客 些箇事如何得知有恨休重憶
但楚天特地暮雲凝碧過眼不如人意事十長八九
今頭白笑江州司馬太多情青衫濕

又

江行和揚
濟翁韻

過眼溪山恠都似舊時曾識是夢裡尋常行遍江南
江北佳處經須携杖去能消幾兩平生屐笑塵埃三
十九年非長為客 吳楚地東南折英雄事曹劉敵
被西風吹盡了無跡迹樓觀終成人已去旌旗未卷
頭先白嘆人間哀樂轉相尋今又昔

又

送鄭舜舉
郎中赴召

湖湘海平生筭不負蒼髯如戟聞道是君王着意太平
長策此老自當兵十萬長安正在天西北便鳳凰飛

詔下天來催歸急
車馬路兒童泣
風雨暗旗旌濕
看野梅官柳東風消息
莫向蘆菴追語笑
只今松竹無顏色
問人間誰管別離愁
杯中物

又

游南巖和范廓之韻

笑拍紅崖問千丈
翠巖誰削依舊是
西風白馬北村南
郭似整復斜僧屋
亂欲吐還吐林烟
薄覺人間萬事到
秋來都搖落
呼斗酒同君酌
小隱尋幽約
且丁寧休負此山
猿鶴有鹿從渠求
鹿夢非魚定未知
魚樂正仰看飛鳥
却應人回頭錯

又

病中俞山甫教授訪別病起寄之

曲几蒲團方丈
君來問疾更夜雨
匆匆別去一杯
南北萬事莫侵閑
髣髴百年正要佳
眠食最難忌此

語重殷勤千金直 西崦路東巖石攜手處今陳迹
望重来猶有舊盟如日莫信蓬萊風浪隔垂天自有
扶搖力對梅花一夜苦相思無消息

水調歌頭盟鷗

帶湖吾甚愛千丈翠奩開先生放屨無事一日走千
回凡我同盟鷗鳥今日既盟之後來往莫相猜白鶴
在何處嘗談與偕來 破青萍排翠藻立蒼苔窺魚
咲汝痴計不解舉吾杯廢治荒丘疇昔明月清風此
夜人世幾驪哀東岸綠陰少楊柳更須栽

又

湯坡見和用韻爲謝

白日射金闕虎豹九關開見君諫疏頻上高論挽天
回千古忠肝義膽萬里蠻烟瘴雨徑事莫驚猶正恐

不免耳消息日邊來
笑吾廬門掩草徑對苔未應
兩手無用要把蟹螯杯說劍論詩餘事醉舞狂歌欲
倒老子頗堪哀白髮寧有種一一醒時裁

又

自湖北漕移湖南總領王趙守置酒南樓席上留別

折盡武昌柳掛席上瀟湘二年魚鳥江上笑我往來
忙富貴何時休問離別中年堪恨憔悴髮成霜絲竹
陶寫耳急羽且飛觴
序蘭亭歌赤壁綉衣香使君
千騎鼓吹風采漢侯王莫把驪駒頻唱可惜南樓佳
處風月已淒涼在家貧亦好此語試平章

又

九日遊雲洞和韓南澗韻

今日復何日黃菊為誰開淵明漫愛重九宵次正崔
嵬酒亦關人何事正自不能不爾誰遣白衣來醉把